



Arkivnr: 2014/19488-6

Saksbehandlar: Johan J Meyer

Saksframlegg**Saksgang**

Utval	Saknr.	Møtedato
Administrasjonsutvalet		25.03.2015
Fylkesutvalet		26.03.2015

Revisjon av rutine for varsling i Hordaland fylkeskommune – ny behandling**Samandrag**

Etter behandling i Fylkesutvalet 29. januar 2015 vart saka utsett med sikte på ny behandling etter at forslaget frå representanten Birte Eriksen er vurdert. Fylkesrådmannen ser at endringsforslaget vil supplere og utdjupe det opphavlege utkastet til nye varslingsrutiner. Dei ulike element i det samla nye forslaget til varslingsrutiner som no ligg til behandling er òg redigert for å få ei betre rekkefølge og indre samanheng i teksten.

Hordaland fylkeskommune har i samsvar med arbeidsmiljølova § 3-6 hatt eigne skriftelege rutinar for varsling av kritikkverdige tilhøve sidan hausten 2007. Reglane er tufta på to av paragrafane i arbeidsmiljølova: § 2-4: «Arbeidstaker har rett til å varsle om kritikkverdige forhold i virksomheten», og § 2-5 som slår fast at «Gjengjeldelse mot arbeidstaker som varsler i samsvar med §2-4 er forbudt.».

Gjennom rettspraksis har ein fått erfaring med kva som er anerkjent som varsling og kva som er anna tenestemessig oppfølging og handtering. Nokre saker har vore til behandling i fylkeskommunen, og ein ser at det er trøng for å få eit klårare regelverk til hjelpe for den som varslar og også klårare reglar for saksbehandlinga slik at desse ikkje skapar habilitetsproblem for dei som tar del i prosessen.

Varslingsrutinane skal leggje til rette for naudsnyt varsling i organisasjonen, men dei skal og samstundes avgrense uriktig eller ikkje-naudsnyt bruk av varslingsinstituttet. Det er difor viktig også å få dette momentet fram i rutinane.

Varslingsrutinane må få ei form som gjer dei lettare tilgjengelege for våre tilsette, dei er difor korta ned og samla i eit eige avsnitt med omsyn til det varslaren har trøng for å vite i vedlagte utkast. Denne delen kan også publiserast som plakat.

Fylkesrådmannen gjer framlegg om at det fylkeskommunale varslingsutvalet vert set saman av tilsette som ikkje er i direkte leiarpasjonar, men som med bakgrunn i sitt virke og sine personlege formelle kvalifikasjoner er vel eigna til å handtere varslingssaker. Varslingsutvalet vert gjeve ei normal funksjonstid på 3 år.

Utkastet til rutine er delt opp i følgjande punkt:

- Det første punktet gjev ei avklåring på kva som er ei varslingssak. Her er ei avgrensing mot andre type saker, men likevel slik at det ikkje er nokon absolutt grenseoppgang.
- Det andre punktet omtaler varslingsvegane i fylkeskommunen, og inneholder det varslaren har trong for å vite med omsyn til framgangsmåtar i samband med å utforme og levere eit varsel.
- Det tredje punktet omtaler sakshandsaminga etter at eit varsel eller anonymt varsel er motteke av fylkeskommunen.
- Det fjerde og femte punktet innsynsrett, tilhøve til personopplysningslova og rettsvern ved varsling.
- Punkt 6 omhandler Varslingsutvalet og sakshandsaming i utvalet.
- Punkt 7 omhandler administrasjon, rapportering til kontrollutval og Fylkesutval, og evaluering.

Vedlegg: Utkast til reviderte retningsliner for varsling i Hordaland fylkeskommune.

Forslag til innstilling

Utkast til reviderte retningsliner for varsling i Hordaland fylkeskommune vert gjort gjeldande som retningsliner for varsling i Hordaland fylkeskommune.

Rune Haugsdal
fylkesrådmann

Ingrid Kristine Holm Svendsen
fylkesdirektør organisasjon

Saksframlegget er godkjent elektronisk og har derfor ingen underskrift.

Vedlegg

1 Rutine for varsling februar 2015